



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

25.07.2023

410-tm-son

### **Dars mashg'ulotlariga kiritmaslik to'g'risida**

O'zbekiston Respublikasi Prezidentining 2022-yil 15-iyundagi "Davlat oliy ta'lim muassasalariga o'qishga qabul qilish jarayonlarini tashkil etish to'g'risida"gi PQ-279-son qarori hamda O'zbekiston Respublikasi Vazirlar Mahkamasining 2017-yil 20-iyundagi "Oliy ta'lim muassasalariga o'qishga qabul qilish, talabalar o'qishini ko'chirish, qayta tiklash va o'qishdan chetlashtirish tartibi to'g'risidagi nizomlarni tasdiqlash haqida"gi 393-son qarori, shuningdek Qozog'iston Respublikasi, M.Auezov nomidagi Janubiy Qozog'iston universitetidan 2023-yil 19-iyul kuni kelib tushgan navbatdagi 10-4/1150-son xatiga asosan, shuningdek ta'lim sohasidagi asosiy prinsiplarga muvofiq,

### **BUYURAMAN:**

1. O'zbekiston Respublikasi Vazirlar Mahkamasi huzuridagi Davlat test markazi tomonidan tasdiqlangan 2022/2023 o'quv yili uchun Talabalar o'qishini xorijiy oliy ta'lim tashkilotlaridan hamda O'zbekistonda faoliyat yuritayotgan xorijiy va nodavlat oliy ta'lim ta'lim tashkilotlaridan davlat oliy ta'lim muassasalarining mos va turdosh ta'lim yo'nalishlariga ko'chirish bo'yicha o'tkazilgan test sinovlari qaydnomasiga muvofiq xorijiy oliy ta'lim tashkiloti – Qozog'iston Respublikasi, M.Auezov nomidagi Janubiy Qozog'iston universitetidan Toshkent davlat yuridik universiteti bakalavriati Yurisprudensiya: Xalqaro huquq va qiyosiy huquqshunoslik ta'lim yo'nalishi 2-kurs o'zbek guruhiga o'qishi ko'chirilishi tavsiya etilgan O'zbekiston Respublikasi fuqarosi Baxronova Shoxsanam Shavkat qiziga Toshkent davlat yuridik universiteti rektorining 2022-yil 15-sentabrdagi 193-tm-son buyrug'i bilan dars mashg'ulotlariga qatnashishga ruxsat berilganligi ma'lumot uchun qabul qilinsin.

2. Toshkent davlat yuridik universiteti tomonidan Fuqaro Baxronova Shoxsanam Shavkat qizining shaxsiy yig'ma jildini jo'natish uchun yuborilgan 2022-yil 16-sentabrdagi 7-01/4632-7-01-son so'rovnoma javoban M.Auezov nomidagi Janubiy Qozog'iston universitetidan 2022-yil 20-dekabr 01-02/5442-son xat orqali uning mazkur universitetda o'qimaganligi ma'lum qilinganligi, ushbu

xat unga tanishtirilib, fuqaroning iltimosiga ko'ra, xatolik yuz bergan bo'lsa aniqlik kiritish imkoniyati taqdim etilganligi, shundan so'ng fuqaro o'qiganligini asoslovchi hujjatlarini taqdim etganligi, biroq 2022-yil 20-dekabr 01-02/5442-son xat hamda fuqaroning hujjatlari o'rtasida tafovut mavjudligi sababli aniqlashtirish maqsadida Toshkent davlat yuridik universiteti tomonidan 2023-yil 11-iyul kuni navbatdagi 7/2878-14-son xati yuborilganligi, mazkur xatga asosan M.Auezov nomidagi Janubiy Qozog'iston universitetidan 2023-yil 19-iyul kuni kelib tushgan navbatdagi 10-4/1150-son xat orqali Baxronova Shoxsanam Shavkat qizi mazkur universitetda tahsil olmaganligi takroran tasdiqlanganligi qayd etilsin.

3. Mazkur buyruqning 2-bandiga asosan fuqaro Baxronova Shoxsanam Shavkat qizi dars mashg'ulotlariga kiritilmasin.

4. Qabul jarayonini tashkil etish bo'limi (Q.Musayev) fuqaro Baxronova Shoxsanam Shavkat qiziga tegishli hujjatlar yig'ma jildini belgilangan tartibda huquqiy baho berish uchun Yunusobod tumani prokuraturasiga yuborsin.

5. Toshkent davlat yuridik universiteti rektorining 2022-yil 15-sentabrdagi "Dars mashg'ulotlariga qatnashishga ruxsat berish to'g'risida"gi 193-tm-son buyrug'i ilovasining 54-pozitsiyasi o'z kuchini yo'qotgan deb hisoblansin.

6. Ta'lim shartnomalari va to'lovlarini muvofiqlashtirish bo'limi (I. Ro'ziboyev), Buxgalteriya (M.Parpiyev) va boshqa aloqador tarkibiy bo'linmalar bilan birgalikda fuqaro bilan tuzilgan shartnomani tegishli tartibda bekor qilsin hamda hisob-kitob ishlarini amalga oshirsin.

7.Devonxona (X.Abdullayev) mazkur buyruqni manfaatdor tarkibiy bo'linmalarga yetkazsin.

8. Ushbu buyruqning ijrosini nazorat qilishni o'z zimnamda qoldiraman.

**Rektor v.v.b.**



**I.RUSTAMBEKOV**

Toshkent shahar

## **Kiritildi:**

Bosh mutaxassis

Q.MUSAYEV



## **Kelishildi:**

Boshqarma boshlig'i

S.BOZAROV



Bo'lim boshlig'i

S.RAJABBOYEV



Ilmiy ishlar va innovatsiyalar  
bo'yicha prorektor

B.XODJAYEV



Bosh buxgalter o'rinbosari

A.AXMURATOV



Bo'lim boshlig'i

I.RO'ZIBAYEV



yuriskonsult

D.ALIBOYEV



Dekan o'rinbosari

B.NORMATOV

